



Amt Rendsborger Sagen

Meyer, Gustav Friedrich

Rendsburg, 1925

64. De Wapelfelder Brüch

[urn:nbn:de:hbz:466:1-67985](#)

De Wapelfelder Brüch.

64

Nör Tieden hebbt se bi Wapelfeld dör de Au fohrn müß, dar is en Furt weß. De Borgherr von Wapelfeld hett dar nösen en Brüch bugen laten, dat is de eers weß in't Amt Rendsborg. Do kümmt dar mal en Bur ut Thaden lank mit sin Spannwarf, de will rop na Hogenwestedt. As he de Brüch führt, hölt he still un wunnerwarkt, he weet ni, wat dat op sit hett mit dat niege Buwarf. „O“, denkt he, „dar schaft du ünnerdör fohrn.“ He fohrt na de Au rin un will ünner de Brüch dör, fohrt sit awer fasz un kann ni trüch un ni vörs. Dat hett en Barg Arbeit kost, dat se em man wedder free kregen hebbt. Von de Tied af an ward in't Amt Rendsborg von en dummen Kerl seggt: „He is noch nich ünner de Wapelfelder Brüch dör kamen!“

Wat is't von Deert?

65

De Thadener sünd mal op de Wisch weß, un do seht se dar en Tier, dat hebbt se ni kennt, dat is en Pogg weß. Un as dat Deert an to springen fangt, ward se all bang un lopt weg. Se wüllt awer gern weten, wat dat von Tier is. Se hält den Burvagt un gaht mit em na de Wisch. De Burvagt bekiekt sit dat Deert, weet awer of ni, wat dat is. Un as de Pogg wedder an to springen fangt, „Lüd“, seggt he, „wenn dat keen Harrbock is, denn is dat en Tüddelduv.“